

EU4Energy კონკურსი „დაეხმარე ბებოს“
(2019 წლის 11-19 სექტემბერი)

მიწვევა კონკურსში მონაწილეობის მისაღებად

ცხოვრობთ რომელიმე ჩამოთვლილ ქვეყანაში: აზერბაიჯანი, ბელარუსი, მოლდოვა, საქართველო, სომხეთი ან უკრაინა? თუ ასეა, რატომ არ უნდა მიიღოთ მონაწილეობა ახალ EU4Energy კონკურსში? ¹ „#EU4Energy ბებო“ დაბრუნდა ახალი კითხვებით ენერგოეფექტურობის გაუმჯობესების შესახებ. გაეცით სწორი პასუხი მინიმუმ ერთ კითხვას მისი სამი კითხვიდან თქვენს სოციალური მედიის არხებზე და დაეხმარეთ ბებოს ენერჯის და ფულის დაზოგვაში. თქვენ გექნებათ შანსი მოიგოთ 10 პრიზიდან ერთ-ერთი, მათ შორის მთავარი პრიზი - 3D პრინტერი!



¹ კონკურსის მენეჯმენტს ახორციელებს ევროკომისიის მიერ დაფინანსებული EU4Energy საკომუნიკაციო პროექტი.

კონკურსის წესები

კონკურსის თემა: კონკურსი სოციალურ მედიაში ორგანიზებულია EU4Energy საკომუნიკაციო პროექტის მიერ. კონკურსის თემაა **ენერგოეფექტურობა**. კონკურსის განმავლობაში „#EU4Energy ბებო“ დაგისვამთ სამ შეკითხვას იმის შესახებ, თუ როგორ დაზოგოთ ენერგია და ფული მეტი ენერგოეფექტურობის საშუალებით. გიწვევთ კონკურსში მონაწილეობის მისაღებად! შეარჩიეთ სწორი პასუხი თითოეულ შემთხვევაში და დაეხმარეთ ბებოს მოხმარებული ენერჯის რაოდენობის შემცირებაში.

კონკურსში მონაწილეობის პირობები: კონკურსში მონაწილეობა შეუძლიათ მოქალაქეებს (ინდივიდებს) აზერბაიჯანიდან, ბელარუსიდან, მოლდოვადან, საქართველოდან, სომხეთიდან და უკრაინიდან, რომლებსაც აქვთ Facebook-ის, Instagram-ის ან VKontakte-ს პირადი ანგარიში, და მათი ასაკი არანაკლებ თვრამეტი (18) წელია. კონკურსში მონაწილეობის მიღების უფლება არა აქვთ EU4Energy საკომუნიკაციო პროექტის თანამშრომლებს, ინტერნებს, ან გუნდის წევრების პარტიორებს, ასევე ამ თანამშრომლების საკუთარი ოჯახის წევრებს და ნათესავებს.

ორგანიზატორი: კონკურსის ორგანიზატორია EU4Energy საკომუნიკაციო პროექტი („ორგანიზატორი“). კონკურსი არაფრით არ უკავშირდება Facebook-ს; Facebook ასევე არ არის კონკურსის სპონსორი/მხარდამჭერი/ადმინისტრატორი.

ვადები და მონაწილეობა: კონკურსი ჩატარდება **2019 წლის 11 სექტემბრიდან 19 სექტემბრამდე** და ის სამი კითხვისგან შედგება. კონკურსში მონაწილეობის მისაღებად მომხმარებლებმა საკუთარი პასუხები უნდა დაპოსტონ ბებოს თითოეული კითხვის ქვეშ „ევროკავშირის აღმოსავლეთ სამეზობლოს“ თაიმლაინზე პროექტის [Facebook](#), [Instagram](#) და [Vkontakte](#) ანგარიშებზე.

პასუხები დაპოსტილი უნდა იყოს ინდივიდუალური, პირადი ანგარიშებიდან. ბიზნეს-ანგარიშები ავტომატურად იქნება დისკვალიფიცირებული კონკურსში მონაწილეობიდან. ერთ ადამიანს აქვს ერთ კითხვაზე ერთი პასუხის გაცემის უფლება. თითოეული კითხვის სწორი პასუხი მოწოდებული იქნება თითოეული კითხვის გამოქვეყნებიდან 48 საათის განმავლობაში. როგორც კი სწორი პასუხი გამოქვეყნდება, მონაწილეებს აღარ ექნებათ ამ კითხვაზე პასუხის გაცემის უფლება.

გამარჯვებულების შერჩევა: ის პირები, რომლებიც სწორ პასუხს გასცემენ ბებოს სამი კითხვიდან ერთს, მონაწილეობას მიიღებენ გამარჯვებულების შესარჩევი ლატარიის გათამაშებაში - მონაწილის მიერ თითოეული სწორად გაცემული პასუხი იძლევა ლატარიის ერთ ბილეთს (სამი სწორად გაცემული პასუხი ნიშნავს ლატარიის სამ ბილეთს). პრიზიორების შესარჩევად გამოყენებული იქნება რანდომიზაციის პროგრამა (random.org). რანდომიზებული სიის მიღების შემდეგ სიაში რიგით პირველი მიიღებს მთავარ პრიზს. გარდა ამისა, გაიცემა კიდევ ცხრა პრიზი. გამარჯვებულები შეირჩევიან მას შემდეგ, რაც გამოქვეყნებული იქნება ბებოს სამივე პასუხი სოციალური მედიის იმ ანგარიშებზე, რომლებზეც ტარდება კონკურსი.

პრიზი: გამარჯვებულებზე გაიცემა 10-მდე პრიზი². მთავარი პრიზი - 3D პრინტერი გადაეცემა მთავარ გამარჯვებულს. პრიზის სხვა პირისთვის გადაცემა დაუშვებელია და მიღებული უნდა იყოს ისე, როგორც იყო გადაცემული. გამარჯვებულს არა აქვს უფლება მოითხოვოს თანხა ან რაიმე სხვა პრიზი. არ დაუკავშირდეთ ორგანიზატორს კონკურსის სტატუსის თაობაზე. მონაწილის მიერ მიწოდებული საკონტაქტო ინფორმაციის საშუალებით ორგანიზატორი შეატყობინებს გამარჯვებულებს კონკურსის შედეგების გამოცხადების შემდეგ. თუ გამარჯვებული არ დაუკავშირდება ორგანიზატორს გამოცხადებიდან ოთხი სამუშაო დღის განმავლობაში, გამარჯვებულად შეარჩევენ მეორე ადგილის მფლობელს.

ზოგადი პირობები: ორგანიზატორი იტოვებს უფლებას მოახდინოს ნებისმიერი პირის დისკვალიფიკაცია, ვინც დაარღვევს კონკურსის მსვლელობას, წესებს, ან გამოავლენს დესტრუქციულ ან უღირს საქციელს. ონლაინ წარდგენილი მასალების მფლობელობის თაობაზე დავის შემთხვევაში, მასალების მფლობელად ანგარიშის ავტორიზებული მფლობელი ჩაითვლება.

პასუხისმგებლობიდან განთავისუფლება და პასუხისმგებლობის ფარგლები: კონკურსში მონაწილეობით კონკურსანტი თანახმაა არ დაავალდებულოს და განთავისუფლოს ორგანიზატორი, Facebook, მათი შესაბამისი სათაო ორგანიზაციები, შვილეული კომპანიები და ფილიალები, ასევე მათი შესაბამისი თანამშრომლები, დირექტორები, დაქირავებული პირები და აგენტები („განთავისუფლებული მხარეები“) პასუხისმგებლობისგან ნებისმიერი პრეტენზიის ან ქმედების მიზეზის გამო, რომელიც გამოწვეულია კონკურსში მონაწილეობით ან ნებისმიერი პრიზის მიღებით ან გამოყენებით. აღნიშნული გულისხმობს არა მხოლოდ შემდეგს: (ა) კონკურსში ადამიანის არამართლოზომიერი ჩარევა; (ბ) ტექნიკური შეცდომები; (გ) ბეჭდვითი შეცდომები; (დ) საფოსტო გზავნილების დაგვიანება ან მიუღებლობა; (ე) შეცდომები კონკურსის ადმინისტრირების პროცესში. მონაწილე უარს ამბობს უფლებაზე განაცხადოს პრეტენზია იურისტის ნებისმიერ საფასურზე და ნებისმიერ ზიანზე, რაც გულისხმობს არა მხოლოდ შემდეგს: საჯარიმო, მეორად, პირდაპირ ან არაპირდაპირ ზიანზე.

კონფიდენციალობა და საჯაროობა: ნებისმიერი ინფორმაცია, რომელსაც მონაწილე წარადგენს კონკურსში მონაწილეობისას, მიეწოდება EU4Energy საკომუნიკაციო პროექტს, და არა Facebook-ს. მონაწილე თანახმაა იმაზე, რომ ორგანიზატორმა გამოიყენოს მონაწილის სახელი/გვარი და პროფილის სახელი გამარჯვებულთა ნებისმიერ სიაში (თუ შეესაბამება). ეს ინფორმაცია გამოყენებული იქნება მხოლოდ გამარჯვებულებთან დასაკავშირებლად. გამარჯვებულების სახელი/გვარი და პროფილის სახელი შეიძლება გამოყენებული იყოს სარეკლამო მიზნებით რაიმე შემდგომი ანაზღაურების ან კომპენსაციის გარეშე.

დავები: მონაწილე თანახმაა, რომ ნებისმიერი და ყველა დავა, პრეტენზია და ქმედების გამოძწვევი მიზეზი, რომლის წყაროა ან რომელსაც იწვევს კონკურსი ან ნებისმიერი

² პრიზები მოიცავს მზის დამტენ მოწყობილობებს, დამატებით კვების ბლოკებს და სარეკლამო მასალებს.

ბ.გადაცემული პრიზი, უნდა გადაწყდეს ინდივიდუალურად, რაიმე ფორმის კოლექტიური საჩივრის გარეშე, და მხოლოდდამხოლოდ ბრიუსელში მდებარე შესაბამისი სასამართლოს მიერ. ყოველგვარი საკითხი და შეკითხვა, რომლებიც უკავშირდება ამ ოფიციალური წესების, მონაწილის უფლებების და ვალდებულებების, ან ორგანიზატორის უფლებების და ვალდებულებების შედგენას, საფუძვლიანობას, ინტერპრეტაციასა და განხორციელებადობას კონკურსთან დაკავშირებით, უნდა იმართებოდეს და განმარტებული იყოს ბელგიის კანონებით, ნებისმიერი სამართლის არჩევის ან კოლიზიური სამართლის ნორმების გარეშე (იქნება ის ბელგიის თუ ნებისმიერი სხვა იურისდიქციის), რომლებიც გამოიწვევდა ბელგიის გარდა ნებისმიერი სხვა იურისდიქციის კანონების გამოყენებას.

თანხმობა წესებზე: კონკურსში მონაწილეობა გულისხმობს იმას, რომ მონაწილე სრულად ეთანხმება ზემოაღნიშნულ წესებს.

შეკითხვები: ნებისმიერი შეკითხვები კონკურსის შესახებ შეგიძლიათ გაგზავნოთ ელექტრონული ფოსტით მისამართზე EU4Energy@ecorys.com